

《佛說長阿含經》卷 20

第四分世記經¹〈忉利天品〉第八

(大正 1, 131a3-137a24)

5 解題

《佛光阿含藏・長阿含(一)》，p.27, n.8：「本品敘述：1. 忉利天所處地理環境、福報。2. 天有身隨意色等十法。3. 世間種種光明，從螢火光、天光明……乃至佛光明之比較。4. 比較種種人「身」，及種種天「身」之長短。5. 種種人、天之壽命長短。6. 種種人、天之食。7. 種種人、天之生活、婚姻、男女交會等。8. 五道眾生之「初識」生起及名色、六入繼起之因緣。9. 諸天初生之狀況。10. 半月三齋，忉利天、四天王等，喜人間受化，修齋戒與忉利天同；但是，世尊認為：受化修齋戒應當與漏盡阿羅漢同。11. 鬼神依止樹木、村邑，或隨逐初生者。12. 鬼神觸燒或守護人之狀況。13. 閻浮提人與他洲之人及天之比較。14. 有十二種欲界眾生，二十二種色界眾生，四種無色界眾生。15. 世尊除去地、水、火、風神之惡見，教以四聖諦。16. 有四種雲、四種電，以及虛空中電光、雷聲生起之因緣。17. 有五種因緣，相師占雨不可定知。」

一、忉利天人所居住地理環境

(一) 五百鬼神守護三十三天城

佛告比丘：「須彌山王頂上有三十三天²城，縱廣八萬由旬，其城七重，七重欄楯、七重羅網、七重行樹，周匝校飾，以七寶成。城高百由旬，上廣六十由旬。城門高六十由旬，廣三十由旬。相去³五百由旬有一門，其一一門有五百鬼神守侍⁴衛護三十三天，金城銀門，銀城金門，乃至無數眾鳥相和⁵悲鳴，亦復如是。」

其大城內復有小城，縱廣六萬由旬，其城七重，七重欄楯、七重羅網、七重行樹，周匝校飾，以七寶成。城高百由旬，廣六十由旬。城門相去⁶五百由旬，高六十由旬，廣三十由旬，一一城門有五百鬼神侍衛門側，守護三十三天，金城銀門，銀城金門；水精城琉璃門，琉璃城水精門；赤珠城馬瑙門，馬瑙城赤珠門；車磤城眾寶門。

(二) 釋七重欄楯、羅網、行樹及城

1、七重欄楯

「其欄楯⁷者，金欄銀栴⁸，銀欄金栴；水精欄琉璃栴，琉璃欄水精栴；赤珠欄馬瑙

¹ 〔佛說…經〕十一字—【明】。(大正 1, 131d, n.1)

² 《佛光阿含藏・中阿含(一)》，p.9, n.5：「三十三天(Trāyastriṃśat)(梵)、(Tāvatisa)(巴)，又作忉利天，為欲界第二天。位於須彌山頂，帝釋天及其眷屬住於此天最頂之處。」

³ 相去：相距；相差。(《漢語大詞典(七)》，p.1135)

⁴ 侍=衛【宋】【元】【明】。(大正 1, 131d, n.2)

⁵ 相和：此唱彼和。(《漢語大詞典(七)》，p.1135)

⁶ 相去：相距；相差。(《漢語大詞典(七)》，p.1135)

⁷ 欄楯：欄杆。(《漢語大詞典(四)》，p.1369)

⁸ 栴〔guàng《又尤》〕：《廣韻》古曠切，去宕，見。2.門、几、車、船、梯、床、織機等物上的橫木。

枕，馬瑙欄赤珠枕；車磔欄眾寶枕。

2、七重羅網

其欄楯上有寶羅網，其金羅網下懸銀鈴，其銀羅網下懸金鈴；琉璃羅網懸水精鈴，水精羅網懸琉璃鈴；赤珠羅網懸馬瑙鈴，馬瑙羅網懸赤珠鈴；車磔羅網懸眾寶鈴。

5 3、七重行樹

其金樹者，金根金枝銀葉花實；其銀樹者，銀根銀枝金葉花實；其水精樹，水精根枝琉璃花葉；其琉璃樹，琉璃根枝水精花葉；其赤珠樹，赤珠根枝馬瑙花葉，馬瑙樹者，馬瑙根枝赤珠花葉；車磔樹者，車磔根枝眾寶花葉。

4、七重城

10 「其七重城，城有四 (131b) 門，門有欄楯。七重城上皆有樓閣臺觀周匝圍遶，有園林浴池，生眾寶花，雜色參間，寶樹行列，華果繁茂，香風四起，悅可人⁹心，鳧雁¹⁰、鴛鴦、異類奇鳥，無數千種，相和而鳴。

(三) 小城外有伊羅鉢龍宮

其小城外中間有伊羅鉢龍宮¹¹，縱廣六千由旬，宮牆七重，七重欄楯、七重羅網、
15 七重行樹，周匝*校飾，以七寶成，乃至無數眾鳥相和悲鳴，亦復如是。

(四) 善見堂四周之環境

其善見城內有善法堂¹²，縱廣百由旬，七重欄楯、七重羅網、七重行樹，周匝*校飾，以七寶成。其堂下基純以真金，上覆琉璃。其堂中柱圍十由旬，高百由旬，當其¹³柱下敷天帝¹⁴御座，縱廣一由旬，雜色間廁，以七寶成，其座柔軟，軟若天衣，夾¹⁵座兩邊
20 左右十六座。堂有四門，周匝欄楯，以七寶成。其堂階道縱廣五百由旬，門郭七重，七重欄楯、七重羅網、七重行樹，周匝*校飾，以七寶成，乃至無數眾鳥相和而鳴，亦復如是。

1、北方帝釋宮殿

善見堂北有帝釋宮殿，縱廣千由旬，宮牆七重，七重欄楯、七重羅網、七重行樹，
25 周匝*校飾，以七寶成，乃至無數眾鳥相和悲鳴，亦復如是。

(《漢語大詞典》(四))，p.972)

⁹ 人=眾【宋】【元】【明】。(大正 1，131d，n.3)

¹⁰ 鳧雁：亦作“鳧鴈”。1.野鴨與大雁。有時單指大雁或野鴨。《荀子·富國》：“然後飛鳥鳧雁若煙海。”《楚辭·九辯》：“鳧鴈皆唼夫梁藻兮，鳳愈飄翔而高舉。”2.鴨與鵝。唐 溫庭筠《商山早行》詩：“因思 杜陵 夢，鳧雁滿回塘。”宋 孟元老《東京夢華錄·朱雀門外街巷》：“近東即 迎祥池，夾岸垂楊、菰蒲、蓮荷，鳧雁游泳其間。(《漢語大詞典》(十二)) p.1040)

¹¹ 《佛光阿含藏·長阿含經(二)》，761 頁，注 2：「伊羅鉢龍宮：為伊羅鉢龍王(Erāpatta)(巴)之宮殿。伊羅鉢龍王前生毀壞佛戒，損傷樹葉，故命終之後，受身為龍。〈大唐西域記〉卷第三(大五一·八八四下)作：「呾叉始羅國……大城西北七十餘里有醫羅 呾羅龍王池，周百餘步，其水澄清，雜色蓮華同榮異彩。此龍者，即昔迦葉波佛時，壞醫羅 羅樹苾芻者也，故今彼土請雨祈晴，必與沙門共至池所，彈指慰問，隨願必果。」

¹² 《佛光阿含藏·長阿含經(二)》，761 頁，注 3：「善法堂：又作善見堂，為帝釋天之講堂。於此講堂上，可思惟妙法，享受淨樂，故名善法堂。〈起世經〉卷第六(大一·三四一中)作：「善見城內，有三十三天聚會之處，名善法堂。」

¹³ 當其=其堂【宋】【元】【明】。(大正 1，131d，n.4)

¹⁴ 《佛光阿含藏·長阿含經(二)》，761 頁，注 5：「天帝(Sakko devānāṃ Indo)(巴)，為天帝釋之略稱，又作釋提桓因，即忉利天之主。」

¹⁵ 夾=俠【宋】。(大正 1，131d，n.5)

2、東方羸澁園林

善見堂東有園林，名曰羸澁，縱廣千由旬，園牆七重，七重欄楯、七重羅網、七重行樹，周匝*校飾，以七寶成，乃至無數眾鳥相和而鳴，亦復如是。羸澁園中有二石垛，天金*校飾：一名賢，二名善賢，縱廣各五十由旬，其石柔軟，軟若天衣。

5 3、南方畫樂園林

「善見宮南有園林，名曰畫樂，縱廣千由旬，園牆七重，七重欄楯、七重羅網、七重行樹，周匝*校飾，以七寶成，乃至無數眾鳥相和而鳴，亦復如是。其園內 (131c) 有二石垛¹⁶，七寶所成，一名畫¹⁷，二名善*畫，各縱廣五十由旬，其垛柔軟，軟若天衣。

4、西方雜園林

10 善見堂西有園林，名雜，縱廣千由旬，園牆七重，七重欄楯、七重羅網、七重行樹，周匝*校飾，七寶所成，乃至無數眾鳥相和而鳴，亦復如是。其園中有二石垛：一名善見，二名順善見，天金*校飾，七寶所成，各縱廣五十由旬，其垛柔軟，軟若天衣。

5、北方大喜園林

15 善見堂北有園林，名曰大喜，縱廣千由旬，園牆七重，七重欄楯、七重羅網、七重行樹，周匝*校飾，以七寶成，乃至無數眾鳥相和而鳴，亦復如是。其園中有二石垛：一名喜，二名大喜，車磑*校飾，縱廣五十由旬，其垛柔軟，軟若天衣¹⁸。

6、難陀水池

20 「其羸澁園、畫樂園中間有難陀池¹⁹，縱廣百由旬，其水清澄，無有垢穢，七重寶塹周匝砌廁，欄楯七重、七重羅網、七重行樹，周匝*校飾，以七寶成。其池四面有四²⁰梯陞²¹，周匝欄楯間以七寶，乃至無數眾鳥相和而鳴，亦復如是。又其池中生四種花，青、黃、赤、白、紅、縹²²，雜色間廁，其一花葉蔭²³一由旬，香氣芬熏²⁴聞一由旬，根如車轂²⁵，其汁流出，色白如乳，味甘如蜜，其池四面復有園林。²⁶

7、晝度樹

25 其雜園林、大喜園林二園中間有樹名晝度，圍七由旬，高百由旬，枝葉四布五十由旬，樹外空亭縱廣五百由旬，宮牆七重，七重欄楯、七重羅網、七重行樹，周匝*校飾，以七寶成，乃至無數眾鳥相和而鳴，亦復如是。

¹⁶ 垛 [duō ㄉㄨㄛ ㄊㄨㄛˋ]: 1.牆或某些建築物的突出部位。 (《漢語大詞典 (二)》 p.1101)

¹⁷ 畫=畫【明】*。(大正 1, 131d, n.6)

¹⁸ 《佛光阿含藏・長阿含經 (二)》，763 頁，注 1:「其石柔軟，軟若天衣」，〈起世經〉(大一・三四一下)作:「柔軟細滑，觸之猶如迦旃鄰提衣。迦旃鄰提衣，即由迦旃鄰提鳥細軟之毛絹續而成之衣。」

¹⁹ 《增壹阿含經》卷 23 〈31 增上品〉:「復以何故名爲難陀浴池，若三十三天入此池中已，極懷歡悅，是故名爲難陀浴池。」(大正 2, 669a10-12)

²⁰ [四] —【宋】。(大正 1, 131d, n.7)

²¹ 梯陞: 臺階。唐李紳《四望亭記》:「豐約廣袤，稱其所便，棟幹梯陞，依墉以成。」 (《漢語大詞典 (四)》 p.1061)

²² 縹: 2.淡青色; 青白色。3.指淺綠色。(《漢語大詞典 (九)》 p.978)

²³ 蔭: 2.遮蓋; 隱蔽。(《漢語大詞典 (九)》 p.529)

蔭=陰【宋】。(大正 1, 131d, n.8)

²⁴ 芬熏=氛氲【宋】【元】【明】。(大正 1, 131d, n.9)

²⁵ 車轂: 1.車輪中心插軸的部分。(《漢語大詞典 (九)》 p.1186)

²⁶ 《增壹阿含經》卷 23 〈31 增上品〉:「四園之內有四浴池: 極冷浴池、香味浴池、輕便浴池、清徹浴池。云何爲四? 一者、難陀浴池。二名、難陀頂浴池。三名、蘇摩浴池。四名、歡悅浴池。」(大正 2, 668c16-19)

8、其餘宮殿皆七寶成

「其餘忉利天宮殿縱廣千由旬，宮牆七重，七重欄楯、七重羅網、七重行樹，周匝校飾，以七寶成，乃至無數眾鳥相和而鳴，亦復（132a）如是。其諸宮殿有縱廣九百、八百，極小百由旬，宮牆七重，七重欄楯、七重羅網、七重行樹，周匝校飾，乃至無數眾鳥相和而鳴，亦復如是。諸小天宮縱廣百由旬，有九十、八十，極小至十二由旬，宮牆七重，七重欄楯、七重羅網、七重行樹、周匝圍遶，以七寶成，乃至無數眾鳥相和而鳴，亦復如是。」

9、階道通達

「善見堂北有二階道至帝釋宮殿，善見堂東有二階道至羼澁園。復有階道至畫樂園觀，復有階道至雜園中，復有階道至大喜園，復有階道至大喜池，復有階道至畫度樹，復有階道至三十三天宮，復有階道至諸天宮，復有階道至伊羅鉢龍王宮。」

二、帝釋的福德及威神之力

（一）帝釋所念之天人，即念即到

若天帝釋欲²⁷羼澁園中遊觀時，即念三十三天臣；三十三天臣即自念言：今帝釋念我。即自²⁸莊嚴駕乘寶車，與無數眾前後圍遶至帝釋前，於一面立。帝釋復念其餘諸天；諸天念言：今帝釋念我。即自莊嚴，與諸天眾相隨至帝釋前，於一面立。帝釋復念伊羅鉢龍王；伊羅鉢龍王復自念言：今帝釋念我。龍王即自變身出三十三頭，一一頭有六牙，一一牙有七浴池，一一浴池有七大²⁹蓮華，一一蓮花有一百葉，³⁰一一花葉有七玉女，鼓樂絃³¹歌，拊³²舞³³其上。時，彼龍王作此化已，詣帝釋前，於一面立。

（二）帝釋福德勝於其餘諸天人

「時，釋提桓因著眾寶飾，瓔珞³⁴其身，坐伊羅鉢龍王第一頂上，其次兩邊各有十六天王，在龍頂上次第而坐。時，天帝釋與無數諸天眷屬圍遶詣羼澁園，有自然風，吹門自開；有自然風，吹地令淨，有自（132b）然風，吹花散地，眾花積聚，花至于膝。時，天帝釋於賢、善賢二石塚上隨意而坐，三十三王各次第坐。」

復有諸天不得侍從見彼園觀，不得入園五欲娛樂。所以者何？斯由本行功德不同。復有諸天得見園林而不得入，不得五欲共相娛樂。所以者何？斯由本行功德不同。復有諸天得見、得入，不得五欲共相娛樂。所以者何？斯由本行功德不同。復有諸天得入、得見，五欲娛樂。所以者何？斯由本行功德同故。遊戲園中，五欲自娛，一日、二日，至於七日，相娛樂已，各自還宮；彼天帝釋遊觀畫樂園、雜園、大喜園時，亦復如是。」

※ 釋四園林、善法堂及畫度樹之名的因由

「何故名之爲羼³⁵澁³⁶園？入此園時，身體羼澁。」

²⁷ 欲+（至）【宋】【元】【明】（大正 1，132d，n.1）

²⁸ [自]—【宋】【元】【明】。（大正 1，132d，n.2）

²⁹ 大=天【元】。（大正 1，132d，n.3）

³⁰ 一一蓮花有一百=有百一【宋】【元】【明】。（大正 1，132d，n.4）

³¹ 絃=弦【宋】*【元】*【明】*。（大正 1，132d，n.5）

³² 拊〔biàn ㄅㄧㄢˋ〕=弄【宋】。（大正 1，132d，n.6）

³³ 拊舞：拍手而舞。極言歡樂。（《漢語大詞典（六）》p.409）

³⁴ 《佛光阿含藏・長阿含經（二）》，765 頁，注 7：「瓔珞(muttāhāra)(巴)，即編玉成串，作爲裝飾之物。」

³⁵ 麤：同羼，疎也。（《漢語大字典》p.4727）。疎：不密。（《漢語大字典》p.3708）

何故名爲**畫樂園**？入此園時，身體自然有種種畫色以爲娛樂。

何故名³⁷爲**雜園**？常以月八日、十四日、十五日，除阿須倫女，放諸姝女與諸天子雜錯遊戲，是故名爲雜園。

何故名爲**大喜園**？入此園時，娛樂歡樂³⁸，故名大喜。³⁹

5 何故名爲**善法堂**？於此堂上思惟妙法，受清淨樂，故名善法堂。⁴⁰

何故名爲**晝度樹**⁴¹？此樹有神，名曰漫陀，常作伎樂以自娛樂，故名晝度。又彼大樹枝條四布，花葉繁茂如大寶雲，故名晝度。

（三）帝釋大威神之力

1、十大天子常隨左右

10 釋提桓因左右常有十大天子隨從侍衛，何等爲十？一者⁴²名因陀羅，二名瞿夷，三名毘樓，四名毘樓婆提，五名陀羅，六名婆羅，七名耆婆，八名靈醯嵬⁴³，九名物羅，

案：可能通「粗」：2.粗糙；粗劣。（《漢語大詞典（九）》p.205）

³⁶ 澁：同澀（《漢語大字典》p.1740）。澀〔sè ㄙㄜˋ〕：味不甘滑，像明礬的味道。（《漢語大字典》p.1774）

³⁷ [名]－【宋】【元】【明】。（大正 1，132d，n.7）

³⁸ 樂＝喜【宋】【元】【明】。（大正 1，132d，n.8）

³⁹ 《增壹阿含經》卷 23〈31 增上品〉：「比丘當知！四園之內有此四浴池，令人身體香潔無有塵垢。

何以故名爲**難檀槃那園**？若三十三天入難檀槃那園已，心性喜悅，不能自勝，於中而自娛樂，故名爲難檀槃那園。

復以何故名爲**麁澁園觀**？若三十三天入此園中已，身體極麁，猶如冬時以香塗身，身體極麁，此亦如是。若三十三天入此園中已，身體極麁不與常同。以是之故，名爲麁澁園觀。

復以何故名爲**晝夜之園**？若使三十三天入此園中已，爾時諸天顏色各異，作若干種形體，猶如婦女著種種衣裳，不與本形同，此亦如是，若三十三天入此園中已，作若干種色不與本同，以是故名爲晝夜之園。

復以何故名爲**雜種之園**？爾時，最尊之天及中天、下天，入此園已，皆同一類。設復最下之天大不得入餘三園中，猶如轉輪聖王所入之園，餘王不復得入園中浴洗，人民之類，正可得遙見耳。此亦如是，若最尊神天所入園中浴洗，餘小天不復得入。是故名爲雜種浴池。」（大正 2，668c19-669a10）

⁴⁰ 《起世因本經》卷 6〈8 三十三天品〉：「何因何緣，其善法堂諸天集會，稱爲善法？諸比丘！其善法堂諸天會處，三十三天王，聚集坐已，於中唯論微妙細密諸深義，審諦思惟，稱量觀察，多是世間諸要法事，真實正理，是以天稱爲善法堂集會之處。」（大正 1，397a22-27）

⁴¹ （1）《佛光阿含藏・中阿含（一）》，p.9，n.6：「晝度樹（Pāricchattaka）（巴），又作波利質多羅、香遍樹，爲生於忉利天之樹。」

（2）《中阿含經》卷 1，2 經（大正 1，422b2-6）：「晝度樹不久當盡數開。若晝度樹已盡數開，光所照，色所映，香所熏，周百由延，是時，三十三天於中夏四月，以天五欲功德具足而自娛樂，是謂三十三天於晝度樹下集會娛樂也。」；參照《中阿含經》卷 1，2 經〈晝度樹經〉（大正 1，422a18-422c7）。《增壹阿含經》卷 33（大正 2，729b12-c6）：「爾時，世尊告諸比丘：三十三天晝度樹，本縱廣五十由旬，高百由旬，東、西、南、北蔭覆五十由旬，三十三天在彼四月自相娛樂。比丘當知：或有是時，彼晝度樹華葉凋落，萎黃在地。爾時，諸天見此瑞應，普懷歡喜，欣情內發：『此樹不久當更生華實。……此樹今日皆悉著華。』爾時，此香逆風，百由旬內無不聞香者。爾時，**諸天四月之中於彼自相娛樂，樂不可計**。此亦如是，若賢聖弟子意欲出家學道時，如似彼樹始欲***凋落**。復次，賢聖弟子捐棄妻財，以信堅固，出家學道，剃除鬚髮，如似彼**樹葉落在地**。」；《佛光阿含藏・中阿含》（p.9，n.3）：本經敘說世尊以三十三天晝度樹（珊瑚樹）成長的七個過程，即**葉黃、葉落、葉還生（長新芽）、樹生網（長新枝）、樹如鳥喙（長花苞）、樹開如鉢（開狀如紅蓮花）、花盛開**，比喻佛弟子修的七個過程，**自思念出家、出家、得初禪、得第二禪、得第三禪、得第四禪，乃至漏盡證阿羅漢果，之七個修行過程**。【註《增支部》（A. 7. 65.《珊瑚樹經》 Pāricchattaka sutta（AN. IV. P.117））；《佛說園生樹經》（大正 1，810c）；《增一阿含經》〈等法品第二經〉（大正 2，729b）。】

⁴² [者]－【宋】【元】【明】。（大正 1，132d，n.9）

⁴³ 嵬〔wéi ㄨㄟˊ〕＝[少/兔]【宋】【元】【明】。（大正 1，132d，n.10）

十名難頭。釋提桓因有大神力，威德如是。⁴⁴

2、舉種種花譬喻帝釋威德

閻浮提人所貴水花：優鉢羅花、鉢頭摩花、拘物頭花、分陀利花、須⁴⁵乾頭花，(132c) 柔軟香潔；其陸生花：解脫花、薔蔔花、婆羅陀花、須曼周那花、婆師花、童女花。拘耶⁴⁶尼、鬱單曰⁴⁷、弗于逮、龍宮、金翅鳥宮水陸諸花，亦復如是。阿須倫宮水中生花：優⁴⁸鉢羅花、鉢頭摩花、拘物頭花、分陀利花，柔軟香潔；陸生花：殊好花、頻浮花、大頻浮花、伽伽利花、大伽伽利花、曼陀羅花、大曼陀羅花。四天王、三十三天、焰摩天、兜率天、化自在天、他化自在天所貴水陸諸花，亦復如是。

三、諸天有十法

- 10 「天有十法，何等爲十？一者飛去無限數，二者飛來無限數，三者去無碍，四者來無碍，五者天身無有皮膚、骨體、筋脉、血肉，六者身無不淨大小便利，七者身無疲極，八者天女不產，九者天目不眴⁴⁹，十者身隨意色，好青則青，好黃則黃，赤、白眾色，隨意而現，此是諸天十法。⁵⁰

四、人類有七色

- 15 人有七色，云何爲七？有人金色，有人火色，有人青色，有人黃色，有人赤色，有人黑色，有人魔⁵¹色；諸天、阿須倫有七色，亦復如是。

五、層層校量光明，合集所有光明，不如四諦光明

- 20 「諸比丘！螢火之明不如燈燭，燈燭之明不如炬火，炬火之明不如積⁵²火，*積火之明不如四天王宮殿、城墉⁵³、瓔珞、衣服、身色光明，四天王宮殿、城墉、瓔珞、衣服、身色光明不如三十三天光明，三十三天光明不如焰摩天光明，焰摩天光明不如兜率天光明，兜率天光明不如化自在天光明，化自在天光明不如他化自在天光明，他化自在天光明不如梵迦夷天⁵⁴宮殿、衣服、身色光明，梵迦夷天宮殿、衣服、身色光明不如光念⁵⁵天光明，光*念天光明不如遍淨天光明，遍淨天光明不如果實天光 (133a) 明，果實天光明

⁴⁴ 《大樓炭經》卷 4 〈9 忉利天品〉：「天帝釋邊，常有十天子擁護之：一者名根；二者名具戒；三者名比流；四者名比流藏；五者名阿流；六者名波流；七者名利桓；八者名樓漢；九者名拘和難；十者名難。」(大正 1，296a4-8)

⁴⁵ 須=頭【宋】【元】【明】。(大正 1，132d，n.11)

⁴⁶ 耶=那【宋】【元】【明】。(大正 1，132d，n.12)

⁴⁷ 曰=越【宋】【元】【明】。(大正 1，132d，n.13)

⁴⁸ 優=憂【宋】【元】。(大正 1，132d，n.14)

⁴⁹ 眴 [sh ù n 尸メㄣ、]：1.看；眨眼，視貌也。2.目轉動示意。(《漢語大詞典 (七)》p.1204)。

⁵⁰ 《大樓炭經》卷 4 〈9 忉利天品〉：「諸天有十事。將何等爲十？一者、飛行無極；二者、坐遂無極；三者、諸天無盜賊；四者、不自說身善，亦不說他人惡；五者、無有相侵；六者、諸天齒等而通；七者、髮紺青色滑澤，長八尺；八者、天人青色髮者身亦青色；九者、欲得白者身即白色；十者、欲得黑者身即黑色。是爲諸天十法事。」(大正 1，296a24-b1)

⁵¹ 魔=白【宋】【元】【明】。(大正 1，132d，n.15)

⁵² 積=[卅/積]【宋】*【元】*【明】*。(大正 1，132d，n.16)

⁵³ (1) 墉=郭【宋】【元】【明】。(大正 1，132d，n.17)

(2) 城郭：1.城牆。城指內城的牆，郭指外城的牆。(《漢語大詞典 (二)》p.1094)

⁵⁴ 《一切經音義》卷 9：「梵迦夷天(此言淨身天也梵淨也即初禪梵天也)。」(大正 54，358a1)

⁵⁵ 念=音【元】【明】*。[*18-1]念=音【元】【明】*。(大正 1，132d，n.18)

不如無想天光明，無想天光明不如無造天⁵⁶，無造天光明不如無熱*天⁵⁷，無熱天光明不如善見*天，善見天光明不如大善⁵⁸*天，大*善天光明不如色究竟*天，色究竟天光明不如地⁵⁹自在天，*地自在天光明不如佛光明。從螢火光至佛光明，合集爾所光明，不如苦諦光明，集諦、滅諦、道諦光明。是故，諸比丘！欲求光明者，當求苦諦、集諦、滅諦、道諦光明⁶⁰，當作是修行⁶¹。

六、種種人、天「身」之長短

「閻浮提⁶²人身長三肘⁶³半，衣長七肘，廣三肘半。瞿耶尼⁶⁴、弗于逮人⁶⁵身亦三肘⁶⁶半，衣長七肘，廣三肘半。鬱單曰⁶⁷人身長七肘，衣長十四肘，廣七肘，衣重一兩⁶⁸。阿須倫身長一由旬⁶⁹，衣長二由旬，廣一由旬，衣重六銖⁷⁰。四天王身長半由旬，衣長一由旬，廣半由旬，衣重半兩。忉利天身長一由旬，衣長二由旬，廣一由旬，衣重六銖。焰摩天身長二由旬，衣長四由旬，廣二由旬，衣重三銖。兜率天身長四由旬，衣長八由旬，廣四由旬，衣重一銖半。化自在天身長八由旬，衣長十六由旬，廣八由旬，衣重一銖⁷¹。他化自在天身長十六由旬，衣長三十二由旬，廣十六由旬，衣重半銖。自上諸天，

⁵⁶ 《佛光阿含藏・長阿含經（二）》，769 頁，注 2：「無造天(aviha)(巴)，又作阿卑和，譯為無求、無煩，色界十八天之一，五淨居天之一，位於第四禪天。」天+（光明）【宋】*【元】*【明】*。[*1-1]天+（光明）【宋】*【元】*【明】*。[*1-2]天+（光明）【宋】*【元】*【明】*。（大正 1，133d，n.1）

⁵⁷ 《佛光阿含藏・長阿含經（二）》，769 頁，注 4：「無熱天(atapa)(巴)，又作阿陀波，譯為無惱，色界十八天之一，五淨居天之一，位於第四禪天。」

⁵⁸ 善+（見）【宋】*【元】*【明】*。（大正 1，133d，n.2）

⁵⁹ 地=他化【宋】*。[*3-1]地=他化【宋】*。（大正 1，133d，n.3）

⁶⁰ 明+（當作是學）【宋】*【元】*【明】*。（大正 1，133d，n.4）

⁶¹ 〔行〕-【宋】*【元】*【明】*。（大正 1，133d，n.5）

⁶² 《長阿含經》卷 18〈1 閻浮提州品〉：「須彌山南有天下，名閻浮提，其土南狹北廣，縱廣七千由旬，人面亦爾，像此地形。」（大正 1，115b19-21）

⁶³ 肘〔zhǒu ㄓㄡˇ〕：3.古印度 長度單位。梵語 hasta 的意譯。唐玄奘《大唐西域記・印度總述》：「分一弓為四肘，分一肘為二十四指。」宋趙令時《侯鯖錄》卷四：「一大弓長五肘，小弓長四肘。」（《漢語大詞典（六）》p.1171）

⁶⁴ 《長阿含經》卷 18〈1 閻浮提州品〉：「須彌山西南有天下，名俱耶尼，其土形如半月，縱廣八千由旬，人面亦爾，像彼地形。」（大正 1，115b17-19）

⁶⁵ 《長阿含經》卷 18〈1 閻浮提州品〉：「須彌山東有天下，名弗于逮，其土正圓，縱廣九千由旬，人面亦圓，像彼地形。」（大正 1，115b15-17）

⁶⁶ 肘：3.古印度長度單位。梵語 hasta 的意譯。唐玄奘《大唐西域記・印度總述》：「分一弓為四肘，分一肘為二十四指。」宋趙令時《侯鯖錄》卷四：「一大弓長五肘，小弓長四肘。」（《漢語大詞典（六）》p.1171）

⁶⁷ 《長阿含經》卷 18〈1 閻浮提州品〉：「須彌山北有天下，名鬱單曰，其土正方，縱廣一萬由旬，人面亦方，像彼地形。」（大正 1，115b13-15）

⁶⁸ 一兩：1.計量單位。古以二十四銖為一兩，十六兩為一斤。今以一斤的十分之一為一兩，一兩為十錢。（《漢語大詞典（一）》p.1）

⁶⁹ 由旬：（梵 yojana）古印度計程單位。一由旬的長度，我國古有八十里、六十里、四十里等諸說。見《翻譯名義集・數量》。北周庾信《奉和法筵應詔》：「千柱蓮花塔，由旬紫柑園。」《法苑珠林》卷三：「八拘盧舍為一由旬，合有四十里。」唐段成式《西陽雜俎・貝編》：「積崖山 高三百由旬。」清蒲松齡《聊齋志異・齊天大聖》：「遂覺雲生足下，騰蹕而上，不知幾百由旬。」（《漢語大詞典（七）》p.1297）

⁷⁰ 銖：1.古代衡制中的重量單位。為一兩的二十四分之一。《孫子・形》：「故勝兵若以鎰稱銖，敗兵若以銖稱鎰。」郭化若 注：「古代二十四兩為一『鎰』，二十四分之一兩為一『銖』。」2.古代重量以黍為起算物，幾黍為一銖，各家所說不同。4.比喻精細，微小。（《漢語大詞典（一）》p.1）

⁷¹ 一銖：1.古代衡制中的重量單位，一兩的二十四分之一為一銖。《商君書・定分》：「雖有千金，不能

各隨其身而著衣服。

七、種種人、天壽命之長短

「閻浮提人壽命百歲，少出多減。拘⁷²耶尼人壽命⁷³二百歲，少出多減。弗于逮人壽三百歲，少出多減。鬱單^{*}曰人盡壽千歲，無有增減。餓鬼壽七萬歲，少出多減。龍、金翅鳥壽一劫，或有減者。阿須倫壽天千歲，少出多減。四天王壽天五百歲，少出多減。忉利天壽天千歲，少出多減。(133b) 焰摩天壽天二千歲，少出多減。兜率天壽天四千歲，少出多減。化自在天壽天八千歲，少出多減。他化自在天壽天萬六千歲，少出多減。梵迦夷天壽命一劫，或有減者。光音天壽命二劫，或有減者。遍淨天壽命三劫，或有減者。果實天壽命四劫，或有減者。無想天壽命五百劫，或有減者。無造天壽命千劫，或有減者。無熱天壽命二千劫，或有減者。善見天壽命三千劫，或有減者。大善見天壽命四千劫，或有減者。色究竟天壽命五千劫，或有減者。空處天壽命萬劫，或有減者。識處天壽命^{*}二萬一千劫，或有減者。不用處天壽命四萬二千劫，或有減者。有想無想天壽命八萬四千劫，或有減者，齊此爲眾生，齊此爲壽命，齊此爲世界，齊此名爲生、老、病、死往來所趣，界⁷⁴、入聚也。」⁷⁵

八、種種人、天之食

佛告比丘：「一切眾生以四食⁷⁶存，何謂爲四？搏⁷⁷、細滑食爲第一，觸食爲第二，念食爲第三，識食爲第四⁷⁸。彼⁷⁹彼眾生所食不同，閻浮提人種種飯、麴麵、魚肉以⁸⁰爲

以用一銖。」漢劉向《說苑・辨物》：「十六黍爲一豆，六豆爲一銖，二十四銖爲一兩，十六兩爲一斤。」2.喻輕微。唐白居易《和微之春日投簡陽明洞天》詩：「重土過三哺，輕才抵一銖。」宋陸游《夜坐求酒詩》：「清笳嫋嫋已三弄，殘火熒熒纔一銖。」（《漢語大詞典（一）》p.1）

⁷² 拘=瞿【宋】*【元】*【明】*。（大正 1，133d，n.6）

⁷³ 【命】—【宋】【元】【明】。（大正 1，133d，n.7）

⁷⁴ 界+（陰）【宋】【元】【明】。（大正 1，133d，n.8）

⁷⁵ （1）《增壹阿含經》卷 43〈47 善惡品〉：「比丘當知：閻浮地五十歲，四天王中一日一夜。計彼日夜之數，三十日爲一月，十二月爲一歲，四天王壽命五百歲，或復有中天者。計人中之壽十八億歲，還活地獄一日一夜。計彼一日一夜之數，三十日爲一月，十二月爲一歲，還活地獄極壽千歲，復有中天者，計人中之壽三十六億歲。計人中百歲，三十三天一日一夜，計彼日月年歲之數，三十三天壽千歲，其間或有中天者。計人中之壽三十六億歲，阿鼻地獄中一日一夜。復計彼日月之數，三十日爲一月，十二月爲一歲，計彼日夜之數壽二萬歲，計人中之壽，壽一拘利。如是，比丘！計此之壽轉轉增倍，除無想天。無想天壽八萬四千劫，除淨居天不來此世。」（大正 2，785b22-c8）

（2）《中阿含經》卷 16〈1 王相應品〉：「天上壽長，人間命短。若人間百歲，是三十三天一日一夜，如是一日一夜，月三十日，年十二月，三十三天天壽千年」（大正 1，527a20-22）

⁷⁶ 印順導師《佛在人間》p.76：「佛法說食有四種：（一）段食，像我們煮的飯和吃的菜，都是分成段落的吃下，叫段食。（二）觸食，六根與境相觸，也有延續生命的力量。特別是身體的觸——如按摩、運動、洗澡等。（三）思食，即希望。眾生要有欲望，才能維持生活。一個人雖是老病相侵，但他總是要想法子活下去，這叫思食。（四）識食，人類的意識，因執著自我（身心），執取自體，所以身心雖壞，而卻會生死死生，流轉不已。前二種食，屬於物質的；後二種食，屬於精神的。這是眾生賴以維持生命，使生命延續的因素。不但人間具備這四食，鳥獸等也是全有的。思食與識食，爲一切眾生所必需的，而對於生命的延續，有著最重要的關係。段食與觸食，都不過能延續這一生的生命而已。總之，『依食而住』，是人類與眾生相同的。」

⁷⁷ 搏=揣【宋】*【元】*【明】*。（大正 1，133d，n.9）

⁷⁸ 《佛光阿含藏・長阿含經（二）》，771 頁，注 3：「一切眾生以四食存，……識食爲第四。」參閱《雜阿含》卷十五第三七〇經（大正二・卷十五・三七一經）作：「有四食資益眾生，令得住世，攝受長養，何等爲四？謂一搏食，二細觸食，三意思食，四識食。」

*搏食，衣服、洗浴爲細滑食。**拘耶尼、弗于逮人**亦食種種飯、麩麵、魚肉以爲*搏食，衣服、洗浴爲細滑食。**鬱單***曰人唯食自然粳米，天味具足以爲*搏食，衣服、洗浴爲細滑食。**龍、金翅鳥食鼃鼃⁸¹、魚鱉以爲*搏食，洗浴、衣服爲細滑食。阿須倫食淨*搏食以爲*搏食，洗浴、衣服爲細滑食。四天王、忉利天、焰摩天、兜率天、化自在天、他**
5 **化自在天食淨搏食以爲*搏食，洗浴、衣服爲細滑食。自上諸天以禪定喜樂爲食。⁸² (133c)**
何等眾生觸食？**卵生**眾生⁸³觸食。⁸⁴何等眾生念食？有眾生⁸⁵因念食⁸⁶得存，諸根增長，壽命不絕，是爲念食。何等識食？**地獄眾生及無色天**，是名識食。

九、種種人、天之生活、婚姻、男女交會等事

「閻浮提人以金銀、珍寶、穀帛、奴僕治生販賣以自**生活**；**拘耶尼人**以牛羊、珠寶
10 市易生活；**弗于逮人**以穀帛、珠璣⁸⁷市易自活；**鬱單***曰人無有市易治生自活。

閻浮提人有婚姻往來、男娶女嫁；***拘耶尼人、弗于逮人**亦有婚姻、男娶女嫁；**鬱單***曰人無有**婚姻**、男女嫁娶；**龍⁸⁸、金翅鳥、阿須倫**亦有婚姻、男女嫁娶；**四天王、忉利天**，乃至他化自在天亦有婚姻、男娶女嫁。自上諸天無復男女。

閻浮提人**男女交會**，身身相觸以成陰陽⁸⁹；**拘耶尼、弗于逮、鬱單***曰人亦身身相觸
15 以成陰陽；**龍、金翅鳥**亦身身相觸以成陰陽；**阿須倫**身身相近，以氣成陰陽；**四天王、忉利天**亦復如是。**焰摩天**相近以成陰陽，**兜率天**執手成陰陽。**化自在天**熟視成陰陽，他化自在天暫視成陰陽。⁹⁰自上諸天無復姪欲。

十、五道眾生之「初識」生起及名色、六入繼起之因緣

(一) 地獄道

⁷⁹ [彼] — 【宋】【元】【明】。(大正 1, 133d, n.10)

⁸⁰ 以=已【宋】。(大正 1, 133d, n.11)

⁸¹ 鼃 [yuán ㄩㄢˊ] 鼃 [tuó ㄊㄨㄛˊ]：大鱉和豬婆龍。《國語·晉語九》：“鼃鼃魚鱉，莫不能化。”宋王安石《金山寺》詩：“扣欄出鼃鼃，幽姿可時睹。”清孫枝蔚《金山》詩之一：“僧老鼃鼃大，鐘殘鼓角哀。”（《漢語大詞典（十二）》p.1400）

⁸² 《阿毘達磨大毘婆沙論》卷 130：「問：於何界有幾食？答：欲界具四，段食偏增；色界有三（觸、思、識），觸食偏增；無色亦三，下三無色**思食偏增**，非想非非想處**識食偏增**。」（大正 27, 676a20-24）

⁸³ 眾生=者【宋】【元】【明】。(大正 1, 133d, n.12)

⁸⁴ (1)《起世經》卷 7〈8 三十三天品〉：「何等眾生，以觸爲食？諸比丘！一切眾生，受卵生者。所謂鵝鴈鴻鵠、鷄鴨、孔雀、鸚鵡、鸚鵡、鳩鵲[燕*鳥]雀、雉鷄鳥等，及餘種種雜類眾生，從卵生者，以彼從卵而得身故，一切皆以觸爲其食。」（大正 1, 345c17-21）

(2)《阿毘達磨集異門足論》卷 8〈5 四法品〉：「云何觸食？答：若有漏觸爲緣，能令諸根長養大種增益；又能滋潤，隨滋潤，乃至持隨持，是名觸食。其事如何？答：如鵝鴈、孔雀、鸚鵡、鸚鵡、春鸚、離黃、命命鳥等，既生卵已，時時親附，時時覆育，時時溫暖，令生樂觸。若彼諸鳥於所生卵，如果不時時親附、覆育、溫暖，令生樂觸，卵便腐壞。若彼諸鳥於所生卵，時時親附、覆育、溫暖，令生樂觸，卵不腐壞。如是等類。說名觸食。」（T26, 400b26-c5）

⁸⁵ [眾生] — 【宋】【元】【明】。(大正 1, 133d, n.13)

⁸⁶ [食] — 【宋】【元】【明】。[*6-1]拘=瞿【宋】*【元】*【明】*。(大正 1, 133d, n.14)

⁸⁷ 珠璣：1.珠寶，珠玉。2.比喻美好的詩文繪畫等。3.詩文中常以比喻晶瑩似珠玉之物。（《漢語大詞典（四）》p.545）

⁸⁸ 女嫁娶龍=娶女嫁【宋】【元】【明】。(大正 1, 133d, n.15)

⁸⁹ 陰陽：25.指男女交合。（《漢語大詞典（十一）》p.1017）

⁹⁰ 《阿毘達磨大毘婆沙論》卷 113：「如《施設論》說：『夜摩天相抱成姪；睹史多天執手成姪；樂變化天歡笑成姪；他化自在天相顧眄成姪。』」（大正 27, 585b6-10）

「若有眾生身行惡，口言惡，意念惡，身壞命終，此後識滅；**泥梨**⁹¹初識生，因識有名色，因名色有六入。

（二）墮畜道

5 或有眾生身行惡，口言惡，意念惡，身壞命終，**墮畜**生中，此後識滅；畜生初識生，因識有名色，因名色有六入，

（三）餓鬼道

或有眾生身行惡，口言惡，意念惡，身壞命終，**墮餓**鬼中，此後識滅；餓鬼初識生，因識有名色，因名色有六入。

（四）人道

10 或有眾生身行善，口言善，意念善，身壞命終，得生人中，此後識滅；人中初⁹²識生，因識有名色，因名色有六入。（134a）

（五）諸天初生、成長之狀況

1、四天王天

15 「或有眾生身行善，口言善，意念善，身壞命終，生**四天王**⁹³，此後識滅；四天王識初生，因識有名色，因名色有六入。彼天初生，如此人間一、二歲兒，自然化現，在天膝上坐，彼天即言：『此是我子』。由行報故，自然智生，即自念言：我由何行，今生此間？即復自念：我昔於人間身行善，口言善，意念善，由此行故，今得生天，我設於此命終，復生人間者，當淨身、口、意，倍復精勤，修諸善行。

20 兒生未久便自覺飢，當其兒前有自然寶器，盛天百味自然淨食，若福多者飯色爲白，其福中者飯色爲青，其福下者飯色爲赤。彼兒以手探⁹⁴飯著口中，食自然⁹⁵消化，如酥⁹⁶投火。彼兒食訖，方自覺渴，有自然寶器盛甘露漿，其福多者漿色爲白，其**福中者漿色爲青**，其**福下者漿色爲赤**，其兒取彼漿飲⁹⁷，漿自消化，如酥投火。

25 「彼兒飲食已訖，身體長大，與餘天等，即入浴池沐浴澡洗，以自娛樂。自娛樂已⁹⁸，還出浴池，詣香樹下，香樹曲躬，手取眾香，以自塗身。復詣劫貝⁹⁹衣樹，樹爲曲躬，取種種衣，著其身上。復詣莊嚴樹，樹爲曲躬，取種種莊嚴，以自嚴身。復詣鬘樹，樹爲曲躬，**取鬘貫首**¹⁰⁰。復詣器樹，樹爲曲躬，即取寶器。復詣果樹，樹爲曲躬，取自然果，或食或含，或漉¹⁰¹汁而飲。復詣樂器樹，樹爲曲躬，取天樂器，以清妙聲和*絃

⁹¹ 南北朝慧影抄撰《大智度論疏》卷 21：「泥梨是西國語。此間名為地獄」（《卍新續藏》46，888c23-24）。梨＝黎【宋】【元】。（大正 1，133d，n.16）

⁹² [初]－【宋】【元】【明】。（大正 1，133d，n.17）

⁹³ 王+（天）【宋】*【元】*【明】*。（大正 1，134d，n.1）

⁹⁴ 探＝掬【元】【明】（大正 1，134d，n.2）

⁹⁵ [然]－【宋】【元】【明】。（大正 1，134d，n.3）

⁹⁶ 酥＝蘇【宋】*。（大正 1，134d，n.4）

⁹⁷ （1）取彼漿＝所【宋】【元】【明】。（大正 1，134d，n.5）

（2）《大樓炭經》卷 4〈9 忉利天品〉：「天人食時如是，於口中便自消滅；渴時即自然滿寶器，甘露漿在前。**福德**少者：自然**青色**漿在前。**福德**中者：自然**赤色**漿在前。**福德**上者：自然**白色**漿在前，便取飲之，於口中自消滅。」（大正 1，297b28-c3）

⁹⁸ 已＝色【宋】。[*5-1]絃＝弦【宋】*【元】*【明】*。（大正 1，134d，n.6）

⁹⁹ 《佛光阿含藏・長阿含經（二）》，773 頁，注 9：「劫貝(kappāsa)(巴)，即綿布。」

¹⁰⁰ 《大樓炭經》卷 4〈9 忉利天品〉：「取樹幘瓔珞著之」大正 1，297c7-8）

¹⁰¹ 漉：3.過濾。4.指用網撈取。（《漢語大詞典（六）》，p.98）

而歌，向諸園林，彼見無數天女鼓樂*絃歌，語笑相向。其天遊觀，遂生染著，視東忘西，視西忘東。其初生時，知¹⁰²自念言：我由何行，今得生此？(134b)當其遊處¹⁰³觀時，盡忘此念，於是便有姝女侍從。

2、忉利天

- 5 「若有眾生身行善，口言善，意念善，身壞命終，生忉利天，此後識滅；彼初識生，因識有名色，因名色有六入。彼天初生，如閻浮提二、三歲兒，自然化現，在天膝上，彼天即言：『此是我男，此是我女。』亦復如是。

3、焰摩天

- 10 或有眾生身、口、意善，身壞命終，生焰摩天；其天初生，如閻浮提三、四歲兒。
或有眾生身、口、意善，身壞命終，生兜率天；其天初生，如此世間四、五歲兒。

4、化自在天

或有眾生身、口、意善，身壞命終，生化自在天；其天初生，如此世間五、六歲兒。

5、他化自在天

- 15 或有眾生身、口、意善，身壞命終，生他化自在天；其天初生，如此世間六、七歲兒，亦復如是。」

十一、世尊為諸比丘說三齋及持齋最終目標

(一) 總說三齋

佛告比丘：「半月三齋¹⁰⁴，云何為三？月八日齋、十四日齋、十五日齋，是為三齋。

(二) 別說三齋

1、八日持齋的因由

何故於月八日齋？常以月八日，四天王告使者言：『汝等案¹⁰⁵行世間，觀視萬民，知有孝順父母、敬順沙門、婆羅門、宗事¹⁰⁶長老、齋戒布施、濟諸窮乏者不？』

- 爾時，使者聞王教已，遍案行天下，知有孝順父母、宗事¹⁰⁷沙門、婆羅門、恭順長老¹⁰⁸、持戒守齋、布施窮乏者。具觀察已，見諸世間不孝父母、不敬師長、不修齋戒、不濟窮乏者，還白王言：『天¹⁰⁹王！世間孝順父母、敬事師長、淨修齋戒、施諸窮乏者，甚少！甚少！』

爾時，四天王聞已，愁憂不悅，答言：『咄¹¹⁰！此為哉¹¹¹！世人多惡，不孝父母，不事師長，不修齋戒，不施窮乏。減損諸天眾，增益阿須倫眾。』¹¹²若使者見世間有孝

¹⁰² 知=口【元】。(大正 1, 134d, n.7)

¹⁰³ 處=戲【宋】【元】【明】。(大正 1, 134d, n.8)

¹⁰⁴ 《佛光阿含藏・長阿含經(二)》，775 頁，注 3：「齋(uposatha)(巴)、(upavasatha)(梵)，又作烏脯沙陀，清淨之意，後轉齋為「時」，即過午不食之意。」

¹⁰⁵ 案=按【明】*，【明】*。(大正 1, 134d, n.9)

¹⁰⁶ 宗事：1.宗廟之事；宗族之事。2.尊崇奉侍。(《漢語大詞典(三)》，p.1347)

¹⁰⁷ 事=敬【宋】*【元】*【明】*。(大正 1, 134d, n.10)

¹⁰⁸ 老=者【元】【明】。(大正 1, 134d, n.11)

¹⁰⁹ 天=大【元】【明】。(大正 1, 134d, n.12)

¹¹⁰ 咄：3.嘆詞。表示嗟嘆。(《漢語大詞典(三)》，p.313)

¹¹¹ 哉：1.語氣助詞。表示感嘆。2.語氣助詞。表示疑問。3.語氣助詞。表示反詰。(《漢語大詞典(三)》，p.317)

¹¹² 《大樓炭經》卷 4〈9 忉利天品〉：「四天王聞之，即不歡喜說言：『今我聞惡語，是為減損諸天，增益

順父母、敬事師長、勤修齋戒、布施貧乏者，則還白 (134c) 天王言：『世間有人孝順父母、敬事師長、勤修齋戒、施諸窮乏者。』

四天王聞已，即大歡喜，唱言：『善哉！我聞善言，世間乃¹¹³能有孝順父母，敬事師長，勤修齋戒，布施貧乏。增益諸天眾，減損阿須倫眾。』

5 2、十四日持齋的因由

「何故於十四日齋？十四日齋時，四天王告太子言：『汝當案行天下，觀察萬民，知有孝順父母、敬事師長、勤修齋戒、布施貧乏者不？』太子受王教已，即案行天下，觀察萬民，知有孝順父母、宗事師長、勤修齋戒、布施貧乏者。具觀察已，見諸世間有不孝順¹¹⁴父母、不敬師長、不修齋戒、不施貧乏者，還白王言：『天王！世間孝順父母、敬順師長、淨修齋戒、濟諸貧¹¹⁵乏者，甚少，甚少。』

10 四天王聞已，愁憂不悅言：『咄！此爲哉！世人多惡，不孝父母，不事師長，不修齋戒，不濟窮¹¹⁶乏。減損諸天眾，增益阿須倫眾。』太子若見世間有孝順父母、敬事師長、勤修齋戒、布施貧乏者，即還白王¹¹⁷言：『天王！世間有人孝順父母、敬順師長、勤修齋戒、施諸貧乏¹¹⁸者。』

15 四天王聞已，即大歡喜，唱言：『善哉！我聞善言，世間能有孝事父母，宗敬師長，勤修齋戒，布施貧乏。增益諸天眾，減損阿須倫眾。』是故十四日齋。

3、十五日持齋的因由

「何故於十五日齋？十五日齋時，四天王躬身自下，案行天下，觀察萬民，世間寧有孝順父母、敬事師長、勤修齋戒、布施貧乏者不？見世間人多不孝父母，不事師長，不勤齋戒，不施貧乏。時，四天王詣善法殿，白帝釋言：『大王！當知世間眾生 (135a) 多不孝父母，不敬師長，不修齋戒，不施貧乏。』

帝釋及忉利諸天聞已，愁憂不悅言：『咄！此爲哉！世人多惡，不孝父母，不敬師長，不修齋戒，不施窮乏。減損諸天眾，增益阿須倫眾。』四天王若見世間有孝順父母、敬事師長、勤修齋戒、布施貧乏者，還詣善法堂，白帝釋言：『世人有孝順父母、敬事師長、勤修齋戒、布施貧乏者。』

25 帝釋及忉利諸天聞是語已，皆大歡喜，唱言：『善哉！世間乃¹¹⁹有孝順父母、敬事師長、勤修齋戒、布施貧乏者。增益諸天眾，減損阿須倫眾。』是¹²⁰故十五日齋戒，是故有三齋。爾時，帝釋欲使諸天倍生歡喜，即說偈言：

『常以月八日、十四十五日，受化修齋戒，其人與我同。』

30 (三) 世尊言：持齋戒應以斷諸煩惱，解脫為主

阿須倫種。』」(大正 1，298b4-5)

¹¹³ 乃=若【宋】【元】【明】。[*9-1]案=按【明】*，【明】*。[*10-1]事=敬【宋】*【元】*【明】*。(大正 1，134d，n.13)

¹¹⁴ 〔順〕—【宋】【元】【明】。(大正 1，134d，n.14)

¹¹⁵ 貧=窮【宋】*【元】*【明】*。(大正 1，134d，n.15)

¹¹⁶ 窮=貧【宋】【元】【明】。(大正 1，134d，n.16)

¹¹⁷ 王=天【元】【明】。[*15-1]貧=窮【宋】*【元】*【明】*。(大正 1，134d，n.17)

¹¹⁸ 乏=之【明】。(大正 1，134d，n.18)

¹¹⁹ 乃=能【宋】【元】【明】。(大正 1，135d，n.1)

¹²⁰ 是=以是【宋】【元】【明】。(大正 1，135d，n.2)

佛告比丘：「帝釋說此偈，非爲善受，非爲善說，¹²¹我所不可。所以者何？彼天帝釋姪、怒、癡未盡，未脫生、老、病、死、憂、悲、苦惱，我說其人未離苦本。若我比丘漏盡阿羅漢，所作已辦，捨於重擔，自獲己利，盡諸有結，平等解脫。如此比丘應說此偈：

5 『常以月八日、十四十五日，受化修齋戒，其人與我同。』』

佛告比丘：「彼比丘說此偈者，乃名善受，乃名善說，我所印可。所以者何？彼比丘姪、怒、癡盡已，脫生、老、病、死、憂、悲、苦惱，我說其人離於苦本。」

十二、鬼神依止樹木、村邑，或隨逐初生者

10 佛告比丘：「一切人民所居舍宅，皆有鬼神，無有空者。一切街巷四衢道¹²²中，屠¹²³兒¹²⁴市肆¹²⁵及丘塚間，皆有鬼神，無有空者。¹²⁶凡（135b）諸鬼神皆隨所依，即以爲名。依人名人，依村名村，依城名城，依國名國，依土名土，依山名山，依河名河。」

佛告比丘：「一切樹木極小如車軸¹²⁷者，皆有鬼神依止，無有空者。一切男子、女人初始生時，皆有鬼神隨逐擁護；若其死時，彼守護鬼攝其精氣，其人則死。」

十三、鬼神觸燒或守護人之狀況

15 佛告比丘：「設有外道梵志問言：『諸賢！若一切男女初始生時，皆有鬼神隨逐守護；其欲死時，彼守護鬼神攝其精氣，其人則死者。今人何故有爲鬼神所觸燒者？有不爲鬼神所觸燒者？』設有此問汝等應答彼言：『世人爲非法行，邪見顛倒，作十惡業，如是人輩，若百若干乃至¹²⁸有一神護耳。譬如群牛、群羊，若百若干一人守牧；彼亦如是，爲非法行，邪見顛倒，作十惡業，如是人輩，若百若干乃有一神護耳。若有人修行善法，見正信行，具十善業，如是一人有百千神護。譬如國王，國王、大臣有百千人衛護一人；彼亦如是，修行善法，具十善業，如是一人有百千神護。以是緣故，世人有爲鬼神所觸燒者，有不爲鬼神所觸燒者。』」

十四、閻浮提人與他洲之人、天三事勝之比較

（一）閻浮提人與勝拘耶尼人

25 佛告比丘：「閻浮提人有三事勝*拘耶尼人，何等爲三？一者勇猛強（135c）記，能造業行；二者勇猛強記，勤修梵行；三者勇猛強記，佛出其土，以此三事勝*拘耶尼。¹²⁹

¹²¹ 《阿毘曇毘婆沙論》卷 29 〈2 使捷度〉：「『汝等所說是惡說、非善說；惡受持、非善受持』。阿毘曇人，作如是說：『我等所說，是善說、善受持、非惡受持。』」（大正 28，209b21-23）

¹²² 衢道：歧路，岔路。（《漢語大詞典（三）》，p.1110）

¹²³ 屠：1.宰殺（牲畜）。2.指以宰殺牲畜爲職業的人。（《漢語大詞典（四）》，p.50）

¹²⁴ 屠兒：對屠戶的蔑稱。（《漢語大詞典（四）》，p.50）

¹²⁵ 市肆：1.市場；市中店鋪。2.泛指市鎮。（《漢語大詞典（三）》，p.683）

¹²⁶ （1）《大樓炭經》卷 4 〈9 忉利天品〉：「汝曹當報言：街巷市里，一切屠殺處塚間，皆有非人，無空缺處。」（大正 1，298c1-2）

（2）《起世經》卷 8 〈8 三十三天品〉：「諸比丘！一切街衢，四交道中，屈曲巷陌，屠膾之坊，及諸巖窟，並無空虛，皆有眾神，及諸非人之所依止。」（大正 1，347c27-348a1）

¹²⁷ 車軸：1.穿入車轂中承受車身重量的圓柱形零件。（《漢語大詞典（九）》，p.1186）

¹²⁸ [至] — 【宋】【元】【明】。（大正 1，135d，n.3）

¹²⁹ （1）《大樓炭經》卷 4 〈9 忉利天品〉：「有三事，閻浮提天下人勝俱耶尼天下人。何等爲三？一者、意勇猛，在因緣地。二者、此間人，意勇猛修梵行。三者、此間人，意勇猛趣佛，是爲三。」（大正 1，298c16-19）

*拘耶尼人有三事勝閻浮提，何等爲三？一者多牛，二者多羊，三者多珠玉，以此三事勝閻浮提。

〔二〕閻浮提人與勝弗于逮

閻浮提有三事勝弗于逮，何等爲三？一者勇猛強記，能造業行；二者勇猛強記，能修梵行；三者勇猛強記，佛出其土，以此三事勝弗于逮。

弗于逮有三事勝閻浮提，何等爲三？一者其土極廣，二者其土極大，三者其土極妙，以此三事勝閻浮提。

〔三〕閻浮提人與勝鬱單曰

「閻浮提有三事勝鬱單*曰，何等爲三？一者勇猛強記，能造業行；二者勇猛強記，能修梵行；三者勇猛強記，佛出其土，以此三事勝鬱單*曰。

鬱單*曰復有三事勝閻浮提，何等爲三？一者無所繫屬，二者無有我¹³⁰，三者壽定¹³¹千歲，以此三事勝閻浮提¹³²。¹³³

〔四〕閻浮提人與餓鬼趣

閻浮提人亦以上三事勝餓鬼趣。餓鬼趣有三事勝閻浮提，何等爲三？一者長壽，二者身大，三者他作自受，¹³⁴以此三事勝閻浮提。

〔五〕閻浮提人與龍及金翅鳥

閻浮提人亦以上三事勝龍、金翅鳥。龍、金翅鳥復有三事勝閻浮提，何等爲三？一者長壽，二者身大，三者宮殿，以此三事勝閻浮提。

〔六〕閻浮提與阿須倫

「閻浮提以上三事勝阿須倫。阿須倫復有三事勝閻浮提，何等爲三？一者宮殿高廣，二者宮殿莊嚴，三者宮殿清淨，以此三事勝閻浮提。

〔七〕閻浮提人與四天王

閻浮提人以此三事勝四天王。四天王復有三事勝閻浮提，何等爲三？一者長壽，二者端正，三者多樂，以此三事勝閻浮提。

〔八〕閻浮提等諸天

閻浮提人亦以上三事勝忉利天、焰摩天、兜率天、化自在天、他化自在天。此諸天復有三事勝閻浮提，何等爲三？一者長壽，二者端正，三者多樂¹³⁵。」

十五、三界眾生之種類

〔一〕十二種欲界眾生

（2）《起世經》卷 8〈8 三十三天品〉：「閻浮提洲，有五種事勝瞿陀尼。何等爲五？一者、勇健。二者、正念。三者、佛出世處。四者、是修業地。五者、行梵行處。」（大正 1，348a7-9）

¹³⁰ 我+（所）【宋】【元】【明】。（大正 1，135d，n.4）

¹³¹ 壽定=定壽【宋】【元】【明】。（大正 1，135d，n.5）

¹³² 提+（人）【宋】【元】【明】。（大正 1，135d，n.6）

¹³³ （1）《起世經》卷 8〈8 三十三天品〉：「鬱單越洲，有三種事，勝閻浮提。何等爲三？一者、彼人無我所。二者、壽命最長。三者、彼人有勝上行。」（大正 1，348a15-17）

（2）《大樓炭經》卷 4〈9 忉利天品〉：「鬱單曰天下人，有三事勝閻浮利天下人，何等爲三？一者、無所繫屬。二者、不畜奴婢婦子。三者、壽千歲無所缺減。」（大正 1，299a1-3）

¹³⁴ 參見《阿毘達磨大毘婆沙論》卷 12（大正 27，59a15-c27）。

¹³⁵ 《佛光阿含藏·長阿含經（二）》，781 頁，注 5：「閻浮提人有三事勝拘耶尼人，……一者長壽，二者端正，三者多樂。」參閱《起世經》卷第八（大一·三四八上）。

佛告比丘：「欲界眾生有十二種，何等為十二？一者地獄，二者畜生，三者餓鬼，四者人，五者阿須倫，六者四天王，七者忉利天，八者(136a)焰摩天，九者兜率天，十者化自在天，十一者他化自在天，十二者魔天。¹³⁶

(二) 二十二種色界眾生¹³⁷

5 色界眾生有二十二種：一者梵身天，二者梵輔天，三者梵眾天，四者大梵天，五者光天，六者少光天，七者無量光天，八者光音天，九者淨天，十者少淨天，十一者無量淨天，十二者遍淨天，十三者嚴飾天，十四者小嚴飾天，十五者無量嚴飾天，十六者嚴飾¹³⁸果實天，十七者無想天，十八者無造天，十九者無熱天，二十者善見天¹³⁹，二十一者大善見天，二十二者阿迦尼吒天。¹⁴⁰

10 (三) 四種無色界眾生

無色界眾生有四種，何等為四？一者空智天，二者識智天，三者無所有智天，四者

¹³⁶ (1)《起世經》卷 8〈8 三十三天品〉：「諸比丘！何者欲界十二種類。謂地獄，畜生，餓鬼，人，阿修羅，四天王天，三十三天，夜摩天，兜率陀天，化樂天，他化自在天，魔身天等。此名十二。」(大正 1，348b10-13)

(2)《大樓炭經》卷 4〈9 忉利天品〉：「欲界人有十二種，何等為十二？一者泥犁，二者禽獸，三者薜荔，四者世間人，五者阿須倫，六者四天王，七者忉利天，八者焰天，九者兜率天，十者無貢高天，十一者他化自轉天，十二者魔天。是為十二種人為欲界。」(大正 1，299a19-24)

(3)《入阿毘達磨論》卷 2：「欲界有二十處，謂八大地獄：一等活，二黑繩，三眾合，四號叫，五大號叫，六炎熱，七極炎熱，八無間，并傍生鬼界為十。有四洲人：一瞻部洲，二勝身洲，三牛貨洲，四俱盧洲。有六欲天：一、四大王眾天；二、三十三天；三、夜摩天；四、覩史多天；五、樂變化天；六、他化自在天，合二十處。」(大正 28，985a20-26)

¹³⁷ 參見(《佛光大辭典(一)》p.172.2)：「二十八天：謂欲界之六天、色界之十八天，與無色界之四天。欲界六天即：四王天、忉利天、夜摩天、兜率天、樂變化天、他化自在天。色界十八天即：梵眾天、梵輔天、大梵天、少光天、無量光天、光音天、少淨天、無量淨天、遍淨天、無雲天、福生天、廣果天、無想天、無煩天、無熱天、善見天、善現天、色究竟天。無色界之四天即：空無邊處、識無邊處、無所有處、非想非非想處。其中，色界之十八天據上座部而立。薩婆多部立十六天，經部立十七天。大乘亦據上座部立十八天。」〔天台四教儀集註卷中〕

¹³⁸ 飾=勝【宋】【元】【明】。(大正 1，136d，n.1)

¹³⁹ 善見天：善見，梵名 Sudarśa na，巴利名 Sudassana，音譯作修提舍那、須陀施尼、須達梨舍那、須陀尸。為色界十八天之一，五淨居天之第四。又作大善見天、善好見天、善觀天、快見天、妙見天。指色界第四禪中第二位之天。此天以定力殊勝而所見清澈，故稱善見。又指帝釋所居善見城之宮殿。據立世阿毘曇論卷七載，由最上品四禪相應之業，恭敬勤修，雜覺分之所薰修，因此業而生善現天，十倍於此，則生於善見天。雜阿毘曇心論卷二、彰所知論卷上等，謂此天壽量達八千劫，身長八千由旬。諸經論中另有壽長四千劫、四十劫、千五百大劫等說。〔長阿含經卷二十忉利天品、大樓炭經卷一、卷四、起世經卷一、卷七、立世阿毘曇論卷六、順正理論卷二十一、集異門足論卷十四〕(《佛光大辭典(五)》p.4880.2 - p.4880.3)

¹⁴⁰ (1)《起世經》卷 8〈8 三十三天品〉：「何者色界二十二種？謂梵身天，梵輔天，梵眾天，大梵天，光天，少光天，無量光天，光音天，淨天，少淨天，無量淨天，遍淨天，廣天，少廣天，無量廣天，廣果天，無想天，無煩天，無惱天，善見天，善現天，阿迦膩吒天等。此等名為二十二種。」(大正 1，348b13-18)

(2)《大樓炭經》卷 4〈9 忉利天品〉：「色行天有十八，何等為十八？一者梵加夷天，梵不數樓天，梵波利沙天，大梵天，阿維比天，波利答天，阿波羅那天，波利多首天，阿波羅天，摩首天，阿波波羅天，維阿天，波利多維天，阿波摩維呵天，維呵天，維阿鉢天，阿答和天，善見天，色天，阿迦尼吒天。是為十八色行天。」(大正 1，299a24-b1)

(3)《入阿毘達磨論》卷 2：「色界有十六處，謂初靜慮有二處：一、梵眾天；二、梵輔天。第二靜慮有三處：一、少光天；二、無量光天；三、極光淨天。第三靜慮有三處：一、少淨天；二、無量淨天；三遍淨天。第四靜慮有八處：一無雲天；二福生天；三廣果天；四無煩天；五無熱天；六善現天；七善見天；八色究竟天，合十六處。」(大正 28，985a27-b4)

有想無想智天。¹⁴¹

十六、四大天神次第聞法後得法眼淨及三皈五戒

(一) 地神生惡見，世尊為其說法

佛告比丘：「有四大天神，何等為四？一者地神，二者水神，三者風神，四者火神。

- 5 昔者，地神生惡見言：『地中無水、火、風。』時，我知此地神所念，即往語言：『汝當生念言：地中無水、火、風耶？』地神報言：『地中實無水、火、風也。』我時語言：『汝勿生此念，謂地中無水、火、風。所以者何？地中有水、火、風，但地大多故，地大得名。』」

(二) 地神聞法後得法眼淨

- 10 佛告比丘：「我時為彼地神次第說法，除其惡見，示教利喜¹⁴²：施論、戒論、生天之論，欲為不淨，上漏為患，出要為上，敷演開示，清淨梵行。

我時知其心淨，柔軟歡喜，無有陰蓋，易可開化，如諸佛常法，說苦聖諦、苦集諦、苦滅諦、苦出要諦，演布開示。

- 15 爾時，地神即於座上遠塵離垢，得法眼淨，譬如淨潔白衣，易為受¹⁴³色；彼亦如是，信心清淨，遂¹⁴⁴得法眼，無有狐疑，見法決定，不墮惡趣，不(136b)向餘道，成就無畏，而白我言：『我今歸依佛，歸依法，歸依僧，盡形壽不殺、不盜、不淫、不欺、不飲酒，聽我於正法中為優婆夷！』」

(三) 水神聞地神說法後得法眼淨

- 20 佛告比丘：「昔者，水神生惡見言：『水中無地、火、風。』時，地神知彼水神心生此見，往語水神言：『汝實起此見，言水中無地、火、風耶？』答曰：『實爾。』地神語言：『汝勿起此見，謂水中無地、火、風。所以者何？水中有地、火、風，但水大多故，水大得名。』時，地神即為說法，除其惡見，示教利喜：施論、戒論、生天之論，欲為不淨，上漏為患，出要為上，敷演開示，清淨梵行。時，地神知彼水神其心柔軟，歡喜信解，淨無陰蓋，易可開化，如諸佛常法，說苦聖諦、苦集諦、苦(136c)滅諦、苦出要諦，演布開示。

時，彼水神即遠塵離垢，得法眼淨，猶如淨潔白衣，易為受色；彼亦如是，信心清淨，得法眼淨，無有狐疑，決定得果，不墮惡趣，不向餘道，成就無畏，白地神言：『我今歸依佛，歸依法，歸依僧，盡形壽不殺、不盜、不淫、不欺、不飲酒，聽我於正法中

¹⁴¹ (1)《起世經》卷 8〈8 三十三天品〉：「無色界中，有四種者：謂，空無邊天、識無邊天、無所有天、非想非非想天，此名四種。」(大正 1，348b19-20)

(2)《大樓炭經》卷 4〈9 忉利天品〉：「無色行天有四，何等為四？一者虛空智天，二者識智天，三者阿竭然天，四者無思想亦有思想天。是為四無色天。」(大正 1，299b1-4)

(3)《入阿毘達磨論》卷 2：「無色界雖無上下處所，而有四種生處差別：一、空無邊處；二、識無邊處；三、無所有處；四、非想非非想處。」(大正 28，985b5-7)

¹⁴² 《大智度論》卷 54〈27 天主品〉：「『示』者，示人好醜、善不善，應行不應行；生死為醜，涅槃安隱為好。分別三乘，分別六波羅蜜，如是等名示。『教』者，教言汝捨惡行善，是名教。『利』者，未得善法味故，心則退沒，為說法引導令出，汝莫於因時求果，汝今雖勤苦，果報出時大得利益，令其心利故名利。『喜』者，隨其所行而讚歎之，令其心喜，若樂布施者，讚布施則喜，故名喜。以此四事，莊嚴說法。」(大正 25，445a20-28)

¹⁴³ 為受=受染【宋】【元】【明】。(大正 1，137d，n.2)

¹⁴⁴ 遂=逮【宋】【元】【明】。(大正 1，136d，n.3)

爲優婆夷！」

〔四〕火神聞地神與水神說法後得法眼淨

佛告比丘：「昔者，火神生惡見言：『火中無地、水、風。』時，地神、水神知彼火神心生此見，共語火神言：『汝實起此見耶？』答曰：『實爾。』二神語言：『汝勿起此見，所以者何？火中有地、水、風，但火大多故，火大得名耳。』時，二神即爲說法，除其惡見，示教利喜：施論、戒論、生天之論，欲爲不淨，上漏爲患，出要爲上，敷演開示，清淨梵行。二神知彼火神其心柔軟，歡喜信解，淨無陰蓋，易可開化，如諸佛常法，說苦聖諦、苦集諦、苦滅諦、苦出要諦，演布開示。

時，彼火神即遠塵離垢，得法眼淨，猶如淨潔白衣，易爲受色；彼亦如是，信心清淨，遂得法眼，無有狐疑，決定得果，不墮惡趣，不向餘道，成就無畏，白二神言：『我今歸依佛、法、聖眾，盡形壽不殺、不盜、不姪、不欺、不飲酒，聽我於正法中爲優婆夷！』」

〔五〕風神從地神、水神及火神處聞法後得法眼淨

佛告比丘：「昔者，風神生惡見言：『風中無地、水、火。』地、水、火神知彼風神生此惡見，往語之言：『汝實起此見耶？』答曰：『實爾。』三神語言：『汝勿起此見，所以者何？風中有地、水、火，但風大多故，風大得名耳。』時，三神即爲說法，除其惡見，示教利喜：施論、戒論、生天之論，欲爲不淨，上漏爲患，出要爲上，敷演開示，清淨梵行。三神知彼風神其心柔軟，歡喜信解，淨無陰蓋，易可開化，如諸佛常法，說

苦聖諦、苦集¹⁴⁵、苦滅¹⁴⁶、苦出要諦，演布開示。時，彼風神即遠塵離垢，得法眼淨，譬如淨潔白衣，易爲受色；彼亦如是，信心清淨，逮得法眼，無有狐疑，決定得果，不墮惡趣，不向餘道，成就無畏，白三神言：『我今歸依佛、法、聖眾，盡形壽不殺、不盜¹⁴⁷、不姪、不欺、不飲酒，願聽我於正法中爲優婆夷！慈心一切，不燒眾生。』」

十七、四種雲、四種電光及雷聲生起之因緣

〔一〕四種雲生

佛告比丘：「雲有四種，云何爲四？一者白色，二者黑色，三者赤色，四者紅色。其白色者地大偏多，其黑色者水大偏多，其赤色者火大偏多，其紅色者風大偏多，其雲去地或十里、二十里、三十里¹⁴⁸，至四十…四¹⁴⁹千里，除劫初後¹⁵⁰，時雲上至光音天。¹⁵¹

〔二〕四種電光

電有四種：云何爲四？東方電名身光，南方電名難毀，西^(137a)方電名流炎，北

¹⁴⁵ 集+（諦）【宋】【元】【明】。（大正 1，136d，n.4）

¹⁴⁶ 滅+（諦）【宋】【元】【明】。（大正 1，136d，n.5）

¹⁴⁷ 盜=妄【宋】【元】【明】。（大正 1，136d，n.6）

¹⁴⁸ 〔里至〕—【宋】【元】【明】。（大正 1，136d，n.7）

¹⁴⁹ 四=至四【宋】【元】【明】。（大正 1，136d，n.8）

¹⁵⁰ 後=復【宋】【元】【明】。（大正 1，136d，n.9）

¹⁵¹ （1）《大樓炭經》卷 4〈9 忉利天品〉：「佛告比丘言：『雲有四色。何等爲四？一者有青色。二者有赤色。三者有黃白色。四者有黑色。其有青色雲者，中有水界大多；其有赤色雲者，中有火界大多；其有黃白色雲者，中有地界大多；其有黑色雲者，有風界大多。』」（大正 1，299c22-27）

（2）《起世經》卷 8〈8 三十三天品〉：「諸比丘！於世間中有四種雲：謂白雲、黑雲、赤雲、黃雲。諸比丘！此四雲中，若白色者，多有地界；若黑色者，多有水界；若赤色者，多有火界；若黃色者，多有風界。」（大正 1，348b21-24）

方電名定明。以何緣故，虛空雲中有此電光？有時身光與難毀相觸，有時身光與流炎相觸，有時身光與定明相觸，有時難毀與流炎相觸，有時難毀與定明相觸，有時流炎與定明相觸；以是緣故，虛空雲中有電光起。¹⁵²

〔三〕雷聲

- 5 復有¹⁵³何緣，虛空雲¹⁵⁴有雷聲起？虛空¹⁵⁵中有時地大與水大相觸，有時地大與火大相觸，有時地大與風大相觸，有時水大與火大相觸，有時水大與風大相觸；以是緣故，虛空雲中有雷聲起。

十八、五種因緣，相師占雨不可定知

「相師占雨有五因緣不可定知，使占者迷惑。云何爲五？

- 10 一者雲有雷電，占謂當雨，以火大多故，燒雲不雨，是爲占師初迷惑緣。
二者雲有雷電，占謂當雨，有大風起，吹雲四散，入諸山間，以此緣故，相師迷惑。
三者雲有雷電，占謂當雨，時大阿須倫接攬¹⁵⁶浮雲，置大海中，以此¹⁵⁷因緣，相師迷惑。
四者雲有雷電，占謂當雨，而雲師、雨師放逸姪亂，竟不降雨，以此因緣，相師迷惑。
五者雲有雷電，占謂¹⁵⁸當雨，而世間眾庶非法放逸，行不¹⁵⁹淨行，慳貪嫉妬，所見顛倒，
15 故使天不降雨，以此因緣，相師迷惑。是爲五因緣，相師占雨不可定知。」

佛說¹⁶⁰長阿含經卷第二十

¹⁵² 《大樓炭經》卷 4 〈9 忉利天品〉：「雷電有四品。何等爲四？一者東方電，名百主。二者南方電，名身味。三者西方電，名阿竭羅。四者北方電，名阿祝藍。何以故於虛空有電出聲？有時身味電與阿祝藍合諍鬪，用是故虛空中出聲；或身味電與百主電共鬪諍，是故雲中出聲；有時阿祝藍電與身味電共諍鬪時，是故虛空中出聲。何以故虛空雲中出聲？有時地種與水種共諍鬪；地種與火種共諍鬪；地種與風種共諍鬪。譬如出山相搏却住。佛言：如是地種與水火風種共諍鬪，是故虛空中出聲。」（大正 1，299c27-300a9）

[1] 〔阿〕－【宋】【元】【明】。[2] 出＝山【宋】【元】【明】。

¹⁵³ 有＝以【宋】【元】【明】。（大正 1，137d，n.1）

¹⁵⁴ 雲＋（中）【宋】【元】【明】。（大正 1，137d，n.2）

¹⁵⁵ 空＋（雲）【宋】【元】【明】。（大正 1，137d，n.3）

¹⁵⁶ （1）攬＝攬【元】【明】。（大正 1，137d，n.4）

（2）攬：1.一把抓。（《漢語大詞典（六）》，p.992）

¹⁵⁷ 此＝是【宋】【元】【明】。（大正 1，137d，n.5）

¹⁵⁸ 謂＝爲【宋】【元】。（大正 1，137d，n.6）

¹⁵⁹ 行不＝汙清【宋】【元】，＝污清【明】。（大正 1，137d，n.7）

¹⁶⁰ 〔佛說〕－【宋】【元】。（大正 1，137d，n.8）